

შპს „პარკინგსერვისი“



შპს „პარკინგსერვისი“-სათვის ქსელური მონწყობილობების შესყიდვა

CPV-32420000

სატენდერო დოკუმენტაცია

ქ. ქუთაისი

2015 წელი

სარჩევი

1. ინსტრუქცია ტენდერში მონაწილეთათვის
2. საკვალიფიკაციო მოთხოვნები
3. ტექნიკური დოკუმენტაცია
4. სახელმწიფო შესყიდვის შესახებ ხელშეკრულების პროექტი
5. დანართი N1 (პრეტენდენტის შეთავაზება)
6. დანართი N2 ფასების ცხრილი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა)

შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია

წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ

თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა)

ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის

არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ები)ა.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია

სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრედენდენტს არა აქვს უფლება წარმოადგინოს ალტერნატიული წინადადება.

2. საკვალიფიკაციო მონაცემები

2.1 საკვალიფიკაციო მონაცემები არ გამოიყენება

3. ტექნიკური დოკუმენტაცია

3.1 საქონლის მიწოდების პირობები და ვადები:

3.1.1 „მიმწოდებელი“ ვალდებულია უზრუნველყოს შპს „პარკინგსერვისისათვის“ ქსელური მოწყობილობების მიწოდება დანართი #2-ის შესაბამისად (იხ. დანართი №2).

3.1.2 მიწოდების ვადა - ხელშეკრულების გაფორმებიდან 20 (ოცი) კალენდარული დღე.

3.1.3 მიწოდების ადგილი - ქ. ქუთაისი, მისამართი შემსყიდველთან შეთანხმებით.

3.2 პრეტენდენტს უნდა გააჩნდეს ანალოგიური საქონლის მიწოდების გამოცდილება, რომლის საერთო ღირებულება უნდა აღემატებოდეს 100 000 ლარს, რის დამადასტურებლადაც ელექტრონულ სისტემაში ტექნიკურ დოკუმენტაციასთან ერთად უნდა ატვირთოს დამადასტურებელი დოკუმენტები (ხელშეკრულებები და მიღება - ჩაბარების აქტები)

3.3 პრეტენდენტის მიერ სისტემაში ტექნიკური დოკუმენტაციის სახით ატვირთული უნდა იყოს:

ა) პრეტენდენტის შეთავაზება - დანართი N1-ის მიხედვით,

ბ) ფასების ცხრილი - დანართი N2 მიხედვით.

გ) ანალოგიური საქონლის მიწოდების გამოცდილების დამადასტურებელი დოკუმენტები (ხელშეკრულებები და მიღება-ჩაბარების აქტები) რომლის საერთო ღირებულება უნდა აღემატებოდეს 100 000 ლარს.

3.4 სატენდერო წინადადების ფასი:

3.4.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.4.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

3.5 ანგარიშსწორების პირობები:

3.5.1 ანგარიშსწორება მოხდება უნაღდო ანგარიშსწორებით ლარში.

3.5.2 ანგარიშსწორება მოხდება, საქონლის მიწოდების თაობაზე შესაბამისი მიღება-ჩაბარების აქტის გაფორმებიდან და ანგარიშფაქტურის წარმოდგენიდან (კანონით გათვალისწინებულ შემთხვევაში) არაუგვიანეს 5 (ხუთი) კალენდარული დღის განმავლობაში.

3.6 გარანტია

3.6.1 მიმწოდებელი მიწოდებულ საქონელზე იძლევა გარანტიას 3 (სამი) წელი და იღებს ვალდებულებას შეტყობინების მიღებისთანავე განახორციელოს წუნდებული/დაზიანებული საქონლის შეცვლა/შეკეთება, რომელიც არ იქნება შემსყიდველის ბრალეულობით გამოწვეული, შემსყიდველის მხრიდან რაიმე დამატებითი დანახარჯის გაწევის გარეშე.

3.7 შენიშვნა:

დანართი №2 -ის (ფასების ცხრილი) იმ ნაწილში სადაც მოცემული იქნება შესასყიდი საქონლის სასაქონლო ნიშანი, მოდელი, წარმოშობის წყარო ან მწარმოებელი, იგულისხმება „მსგავსი“ ან „ეკვივალენტური“.

3.8 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, ყოველი კონკრეტული შემთხვევიდან გამომდინარე, შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად

ხელშეკრულებით ნაკისრი ვალდებულებების შესრულების შესაძლებლობას. (დოკუმენტები წარმოდგენილი უნდა იქნას მოთხოვნიდან 3 (სამი) სამუშაო დღის ვადაში).

4. დამატებითი ინფორმაცია:

სატენდერო დოკუმენტაციასთან დაკავშირებული განმარტების ან/და დაზუსტების მიღება პრეტენდენტს შეუძლია მიმართვის შემთხვევაში შემდეგ მისამართზე: ქ. ქუთაისი გუგუნავას #2. შპს „პარკინგსერვისი“.

საკონტაქტო პირი: აკაკი ორბელაძე 595 20 50 80

ხელშეკრულება სახელმწიფო შესყიდვის შესახებ №

ქ. თბილისი

2015 წ.

ხელშეკრულების დადების საფუძველია შპს „პარკინგსერვისი“ მიერ ჩატარებული გამარტივებული ელექტრონული ტენდერი №

1. ხელშეკრულების დამდები მხარეები

ერთი მხრივ, შპს „პარკინგსერვისი“, შემდგომში „შემსყიდველი“, მისი დირექტორის ირაკლი სარიშვილის სახით და

მეორეს მხრივ _____, (შემდგომში „მიმწოდებელი“) წარმოდგენილი მისი დირექტორის _____ სახით, (მისამართი: _____), სახელმწიფო შესყიდვების შესახებ კანონის და პრეტენდენტის (მისი დასახელება) სატენდერო წინადადების საფუძველზე, ერთმანეთს შეთანხმებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულების საგანი და კლასიფიკატორის კოდი

2.1 მიმწოდებელი მიაწვდის, ხოლო შემსყიდველი შეისყიდის დანართ №1-ში მოცემულ ქსელურ მოწყობილობებს, დანართი #1 წარმოადგენს ხელშეკრულების განუყოფელ ნაწილს;

2.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით გათვალისწინებული პირობების დაცვით.

2.3. მიმწოდებელი იღებს ვალდებულებას უზრუნველყოს ხელშეკრულებით გათვალისწინებული საქონლის ჯეროვანი მიწოდება, წინამდებარე პირობების შესაბამისად;

2.3 კლასიფიკატორის კოდი –32420000.

3. ხელშეკრულების ღირებულება

3.1 ხელშეკრულების ჯამური ღირებულება შეადგენს _____ ლარს.

3.2 ხელშეკრულების ღირებულება მოიცავს საქონლის მიწოდებასთან დაკავშირებულ მიმწოდებლის მიერ განეულ ყველა ხარჯს, მათ შორის კანონმდებლობით გათვალისწინებულ ყველა გადასახადს..

4. შესყიდვის ობიექტის ხარისხი და გარანტია

4.1 მიმწოდებელი მიწოდებულ საქონელზე იძლევა გარანტიას 3 (სამი) წელი და იღებს ვალდებულებას შეტყობინების მიღებისთანავე განახორციელოს წუნდებული/დაზიანებული საქონლის შეცვლა/შეკეთება, რომელიც არ იქნება შემსყიდველის ბრალეულობით გამოწვეული, შემსყიდველის მხრიდან რაიმე დამატებითი დანახარჯის განევის გარეშე.

5. მიწოდების წესი

5.1 მიმწოდებელი იღებს ვალდებულებას მიაწოდოს შემსყიდველს ხელშეკრულებით გათვალისწინებული საქონელი ხელშეკრულების გაფორმებიდან 20 (ოცი) კალენდარული დღის განმავლობაში, მისამართზე: ქ. ქუთაისი.

5.3 მიმწოდებელი პასუხს აგებს მიწოდებული საქონლის ხარისხზე და ამ სფეროში არსებულ ნორმებთან შესაბამისობაზე, ხოლო შემსყიდველი უფლებამოსილია ჩაატაროს ხარისხის კონტროლი და თუ მიწოდებული საქონელი აღმოჩნდება უხარისხო/წუნდებული შემსყიდველი უფლებამოსილია

წარუდგინოს მიმწოდებელს დასაბუთებული რეკლამაცია, რის შემდეგაც მიმწოდებელი ვალდებულია გონივრულ ვადაში უზრუნველყოს მითითებული საქონლის ახლით შეცვლა

6. შესყიდვის ობიექტის მიღება-ჩაბარების წესი

6.1. მიწოდებული საქონელი მიღებულად/ჩაბარებულად ჩაითვლება მიღება-ჩაბარების აქტზე უფლებამოსილი პირების ხელმოწერის შემდეგ. „მიმწოდებელი“ წარუდგენს „შესყიდველს“ მიწოდებული საქონლის შესახებ მიღება-ჩაბარების აქტს და სასაქონლო ზედნაღები/საგადასახადო ანგარიშ-ფაქტურას (კანონით გათვალისწინებულ შემთხვევაში).

6.2. შპს „პარკინგსერვისის“ მხრიდან მიღება-ჩაბარების აქტზე კონტროლს განხორციელებს შესაბამისი უფლებამოსილი პირი.

7. ანგარიშსწორების ფორმა და გრაფიკი (ვადები)

7.1 ანგარიშსწორების ფორმა იქნება უნაღდო.

7.2 ანგარიშსწორება მიმწოდებელთან განხორციელდება ლარებში.

7.3 ანგარიშსწორება განხორციელდება მიმწოდებლის მხრიდან წინამდებარე ხელშეკრულებით გათვალისწინებული ვალდებულებების შესრულებიდან (შესყიდვის ობიექტის მიღება-ჩაბარებიდან) 5 (ხუთი) კალენდარული დღის განმავლობაში.

8. ხელშეკრულების პირობების გადასინჯვის შესაძლებლობა

8.1 არავითარი ცვლილებები ან გადახრა ხელშეკრულებაში არ დაიშვება ორივე მხარის მიერ ხელმოწერილი წერილობითი შესწორებების გარდა. ნებისმიერი ცვლილება, რომელსაც მოყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398 – ე მუხლით გათვალისწინებული შემთხვევებისა. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8.2 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანდ და არც ნაწილობრივ არ უნდა გადასცეს სხვა სუბიექტს მოცემული ხელშეკრულებით გათვალისწინებული თავისი ვალდებულებები.

8.3 ხელშეკრულების შესრულების პროცესში რაიმე ხელის შემშლელი გარემოებების წარმოშობისას მხარეებმა ურთიერთობა უნდა მოაგვარონ წერილობითი შეტყობინების გზით.

9. მხარეთა პასუხისმგებლობა ხელშეკრულების დარღვევისას

9.1 მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2 ფორს – მაჟორული გარემოებების გარდა, მიმწოდებლის მიერ ხელშეკრულების პირობების შეუსრულებლობის ან დაგვიანებით შესრულების შემთხვევაში მიმწოდებელს ეკისრება პირგასამტეხლო სახელშეკრულებო ღირებულების 0.1 % – ის ოდენობით ყოველ ვადაგადაცილებულ დღეზე.

საქართველოს კანონმდებლობით გათვალისწინებულ შემთხვევებს, საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9.3 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულებების შეუსრულებლობით საქართველოს სამოქალაქო კოდექსის შესაბამისად.

9.4 ხელშეკრულების შეწყვეტა მისი პირობების შეუსრულებლობის გამო.

მყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი.

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

9.5 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

ამ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

10. ფორს-მაჟორი

10.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ მისი ვალდებულებების შეუსრულებლობა არის ფორს-მაჟორული გარემოებების შედეგი.

10.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებათა მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში იმ მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების დადგომის და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრ ვალდებულებების შესრულებას და ცდილობს გამონახოს ვალდებულების შესრულების ისეთი

ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. სადაო საკითხების გადაწყვეტა

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს, საქართველოს მოქმედი კანონმდებლობის შესაბამისად.

11.2 „შემსყიდველი“ უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში

12. ხელშეკრულების მოქმედების ვადა

17.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და ოცდაათი დღით აღემატება საქონლის მიწოდების ვადას.

17.2 ხელშეკრულება შედგენილია სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. 1 (ერთი) პირი „მიმწოდებელთან“ და 1 (ერთი) პირი „შემსყიდველთან“.

13. მხარეთა რეკვიზიტები და ხელმოწერები

„შემსყიდველი“	„მიმწოდებელი“
შპს „პარკინგსერვისი“ მის: ქ. ქუთაისი, გუგუნავას 2 ს/ს „თიბისი ბანკის“ ქუთაისის ფილიალი ბანკის კოდი: TBCBGE22 ა/ნ GE67 TB79 0693 6080 1000 06 შპს „პარკინგსერვისი“-ს დირექტორი ირაკლი სარიშვილი -----	

პრეტენდენტის შეთავაზება

1	პრეტენდენტის იურული ფორმა და დასახელება:	
	ხელმოწერის თანამდებობა, სახელი და გვარი:	
	პრეტენდენტის იურიდიული ან/და ფაქტური მისამართი:	
	საიდენტიფიკაციო კოდი:	
	პრეტენდენტის ტელეფონის ნომერი:	
	ელექტრონული მისამართი	
	ბანკი:	
	ბანკის კოდი:	
	ანგარიშის ნომერი:	
2	სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:	

პრეტენდენტის ხელმოწერა და ბეჭედი (ბეჭდის არსებობის შემთხვევაში) _____

ფასების ცხრილი

#	დასახელება	ტექნიკური პარამეტრები	რაოდენობა	მწარმოებელი ქვეყანა და კომპანია	ერთეულის ფასი (ლარი)	სულ ფასი (ლარი)
1	Firewall Cisco ASA 5515	intrusion prevention systems Suport, SW, HA, 6GE, 3DES/AES, Cisco ASA 5500 Series IPS Edition Bundles, Modular Policy Framework, PagP, ASDM including flash	1			
2	Router Cisco 2911	VPN Tunnel, DMVPN IP SLA, Routing, Security Bundle w/SEC License PAK, CDP, EIGRP, GLBP, HSRP	1			
3	Switch Hp Switch 2530-8	პორტების რაოდენობა 8 GigabitEthernet	2			
4	Switch	L2 24 პორტიანი				
5	უწყვეტი კვების UPS	15კვა უპს 30ცალი (12ა/ს) აკუმულატორით, რომელიც უზრუნველყოფს 15 წუთი მუშაობას ნახევარ დატვირთვაზე უპს აღწერილობა შემავალი ძაბვა: 220 / 230 / 240 Vac 1-ph +N ; ძაბვის ცვალებადობა : ± %25 ; სიხშირე : 50 / 60 ჰც სიხშირის ცვალებადობა: ± %10; სიმძლავრის კოეფიციენტი (ფაქტორი) : ≥ 0,99 THDi : < %5 ; გამომავალი ; ძაბვა: 220 / 230 / 240 Vac 1ph + N; ძაბვის ცვალებადობა : ± 1%; სიხშირე : 50 / 60 ჰც ; სიხშირის ცვალებადობა: ± 0.1%; სიმძლავრის კოეფიციენტი; ეფექტურობა ონლაინ რეჟიმში : %94 ; ეკო რეჟიმში : %98 ტექნოლოგია : სამი დონის გარდამქმნელი PFC მართვა : ორმაგი - DSP, SPWM კომუნიკაცია : SNMP (სურვილისამებრ), RS232 დისტანციური მონიტორინგი : SNMPView, დისტანციური მონიტორინგი პანელი (სურვილისამებრ) გარემო სამუშაო ტემპერატურა: 0 °C +40 °C –მდე ფარდობითი ტენიანობა : 0% - 95% ხმაურის დონე: < 55 დბ	1			

6	კვების გამანაწილებელი PDU PB-S08-100-116	1,5U 19' 8 შესაერთებელი, ჩართვა-გამორთვის ღილაკით	2			
7	კვების კაბელები	დედალ მამალი თავებით	25			
8	საკომუნიკაციო კარადა	42 unit Network Server Cabinets, 42U სიგანე 600მმ სიღრმე 800მმ სიმაღლე 2055მმ; გათვლილი: არანაკლებ 150 კგ აპარატურაზე უნდა აკმაყოფილებდეს უსაფრთხოების სტანდარტს: UL 60950-1 ან მსგავსს. მწარმოებელ კომპანიას უნდა გააჩნდეს ISO ხარისხის დამადასტურებელი სერტიფიკატი	1			
9	პაჩპანელები	პაჩპანელი 48 პორტით Tyco Electronics-ის ექვივალენტი HD Series Patch Panel / Panel Type Unloaded HD Series Jack Patch Panel , კატეგორია Cat 5e / System TIA 568A or 568B / Footprint Flat , ზომები (mm [in]) 44,45 [1,750] , პორტების რაოდენობა 48 , Connectivity Included , სერტიფიკატები RoHS compliant, ELV compliant	1			
10	პაჩპანელები	პაჩპანელი 24 პორტით Tyco Electronics-ის ექვივალენტი HD Series Patch Panel / Panel Type Unloaded HD Series Jack Patch Panel , კატეგორია Cat 5e / System TIA 568A or 568B / Footprint Flat , , Connectivity Included , სერტიფიკატები RoHS compliant, ELV compliant	2			
11	კაბელის ვერტიკალური და ჰორიზონტალური საფარცხლები	მინიმუმ 1U ზომის	5			
12	პაჩკორდები 0,5	მაღალი ხარისხის	20			
13	პაჩკორდები 0,3	მაღალი ხარისხის	50			
14	ფისტოლეტი პაჩპანელზე		1			
15	LAN ტესტერი		1			
16	ლეიზო პრინტერი თავისი კარტრიჯებით (10 ცალი კატრიჯი)		1			
17	ჯეკმეიკერი		1			
18	ხამუთები		500			

19	კონექტორის საფარი (სხვადასხვა ფერი)		50			
20	კონექტორი		500			
21	ქსელის კაბელი (UTP)	ქსელის კაბელი UTP CAT5e 100 % სპილენძი ქსელის კაბელი უნდა იყოს მაღალი ხარისხის,	100 მ			
22	ქსელის კაბელი FTP cat5e (foiled twisted pair (FTP)	8 წვერიანი, შიდა გაყვანილობისთვის; სპილენძის შემცველობა 100 %,	50 მ			
	ჯამი					

შენიშვნა:

დანართი №2 -ის (ფასების ცხრილი) იმ ნაწილში სადაც მოცემული იქნება შესასყიდი საქონლის სასაქონლო ნიშანი, მოდელი, წარმოშობის წყარო ან მწარმოებელი, იგულისხმება „მსგავსი“ ან „ეკვივალენტური“.

საქონლის მიწოდების ვადა - ხელშეკრულების გაფორმებიდან 20 (ოცი) კალენდარული დღე.

პრეტენდენტის ხელმოწერა და ბეჭედი (ბეჭდის არსებობის შემთხვევაში) _____